

20151293779

L I G J PËR NDRYSHIMIN DHE PLOTËSIMIN E LIGJIT PËR VEPRIMTARI HOTELIERE

Neni 1

Në Ligjin për veprimtari hoteliere ("Gazeta Zyrtare e Republikës së Maqedonisë" numër 62/2004, 89/2008, 115/10, 53/11, 141/12, 164/13, 187/13, 166/14 dhe 199/14) në nenin 67-a paragrafi 1, fjalia hyrëse ndryshohet si vijon:

"Gjobë në shumë prej 150 deri në 200 euro në kundërvlerë me denarë do t'i shqiptohet për kundërvajtje personit fizik, nëse:"

Paragrafi 2 ndryshohet si vijon:

"Për veprimet nga paragrafi 1 i këtij neni personit fizik, inspektori i komunës dhe inspektori i autorizuar i qytetit të Shkupit do t'i lëshojë urdhërpagesë të mandatit."

Paragrafi 3 ndryshohet si vijon:

"Kryerësi i kundërvajtjes ka obligim në afat prej tetë ditësh nga dita e dorëzimit të urdhërpagesës së mandatit ta paguajë gjobën në shumën e caktuar."

Pas paragrafit 3 shtohet paragrafi i ri 4 si vijon:

"Nëse kryerësi i kundërvajtjes vullnetarisht nuk e paguan gjobën nga paragrafi 1 i këtij neni, urdhërpagesa ka fuqi të dokumentit ekzekutiv dhe inspektori i autorizuar i komunës dhe inspektori i autorizuar i qytetit të Shkupit do ta dorëzojë te organi kompetent për përmbarim të detyrueshëm për realizimin e saj."

Neni 2

Neni 68 ndryshohet si vijon:

"Gjobë në shumë prej 800 euro në kundërvlerë me denarë do t'i shqiptohet për kundërvajtje personit juridik, përkatësisht tregtarit individ, nëse:

1) nuk ka provë se është paraqitur përmbushja e kushteve nga neni 6 paragrafi 1 i këtij ligji dhe fillimi me punë i Inspektoratit Shtetëror të Tregut, i kryetarit të komunës, kurse në qytetin e Shkupit i kryetarit të komunës në zonën e qytetit të Shkupit sipas vendit dhe selisë së objektit, përkatësisht sipas vendit ku jepen shërbime, së paku 15 ditë para fillimit të punës së objektit të hotelierisë (neni 7 paragrafi 1);

2) nuk ka provë se është paraqitur ndryshimi i kushteve nga neni 6 paragrafi 1 i këtij ligji Inspektorati Shtetëror i Tregut, i kryetarit të komunës, kurse në qytetin e Shkupit i kryetarit të komunës në zonën e qytetit të Shkupit sipas vendit dhe selisë së objektit, përkatësisht sipas vendit ku jepen shërbime, në afat prej 15 ditësh nga dita e ndryshimit të bërë (neni 7 paragrafi 2);

3) vepron në kundërshtim me detyrat e parapara në nenin 34;

4) thekson, shpall dhe reklamon shërbime të objekteve të hotelierisë në kundërshtim me aktvendim për kategorizimin e kryer (neni 32 paragrafi 2);

5) nuk vendos në vend të dukshëm në hyrje të objektit të hotelierisë - bar i natës dhe kabare, tabelë me dimensione 20 x 50 cm me përmbajtjen "personat me moshë nën 18 vjet nuk kanë të drejtë për vizitim" (neni 35 paragrafi 1 pika 3);

6) nuk i thekson çmimet në pajtim me nenin 35 paragrafi 1 pika 2 të këtij ligji;

7) nuk thekson në vend të dukshëm në objektin e hotelierisë mbishkrimin me përmbajtjen "personat me moshë nën 18 vjet nuk shërbehen me pije alkoolike" (neni 37 paragrafi 2).

Për veprimet nga paragrafi 1 i këtij neni personit juridik, përkatësisht tregtarit individ, inspektori shtetëror i tregut do t'i lëshojë urdhërpagesë të mandatit.

Për veprimet nga paragrafi 1 i këtij neni do të lëshohet urdhërpagesë e mandatit për personin përgjegjës në personin juridik, përkatësisht për personin përgjegjës në tregtarin individ, në lartësi prej 30% të gjobës që do t'i matet personit juridik, përkatësisht tregtarit individ.

Kryerësi i kundërvajtjes ka obligim në afat prej tetë ditësh nga dita e dorëzimit të urdhërpagesës së mandatit ta paguajë gjobën në shumën e caktuar nga paragrafët 2 dhe 3 të këtij neni.

Nëse kryerësi i kundërvajtjes vullnetarisht nuk e paguan gjobën nga paragrafët 1, 2 dhe 3 të këtij neni, urdhërpagesa e mandatit ka fuqi të dokumentit ekzekutiv dhe inspektori shtetëror i tregut do ta dorëzojë te organi kompetent për kryerje të detyrueshme për realizimin e tij."

Neni 3

Neni 68-a ndryshohet si vijon:

"Gjobë në shumë prej 1000 euro në kundërvlerë me denarë do t'i shqiptohet për kundërvajtje personit juridik, përkatësisht tregtarit individ, nëse:

1) kryen veprimtari hoteliere jashtë objektit afarist në hapësirën e dedikuar, rregulluar dhe pajisur për dhënie të shërbimeve hoteliere pa leje të lëshuar nga kryetari i komunës, kurse në qytetin e Shkupit nga kryetari i qytetit të Shkupit për shfrytëzimin e hapësirës (neni 12 paragrafi 3);

2) në vend të dukshëm në hyrje të objektit të hotelerisë nuk e thekson llojin e kartelave pagesore që mund të shfrytëzohen (neni 35 paragrafi 1 pika 7);

3) nuk ka provë për ndryshimin e bërë të kategorisë së objektit të hotelerisë në kuptim të nenit 33 paragrafi 3 të këtij ligji;

4) nuk e vendos orarin e punës në hyrje të objektit dhe në vend të dukshëm në objekt (neni 26 paragrafi 1);

5) në vend të dukshëm në objektin e hotelerisë, apo në menynë nuk e thekson numrin e telefonit të Inspektoratit Shtetëror të Tregut (neni 35 paragrafi 1 pika 12);

6) në të gjitha materialet propaganduese nuk e shënon llojin dhe kategorinë e objektit (neni 35 paragrafi pika 14);

7) nuk e përcakton dhe thekson rendin e shtëpisë në të gjitha objektet për vendosje (neni 35 paragrafi 1 pika 10);

8) nuk e përcakton dhe thekson rendin e shtëpisë në të gjitha objektet për vendosje (neni 35 paragrafi 1 pika 9);

9) në vend të dukshëm në objektin e hotelerisë, apo në menynë ta theksojë numrin e telefonit të ISHT-së (neni 35 paragrafi 1 pika 13);

10) në vend të dukshëm në hyrje të objektit të hotelerisë nuk e thekson llojin e kartelave pagesore që mund të shfrytëzohen (neni 35 paragrafi 1 pika 7).

Për veprimet nga paragrafi 1 i këtij neni personit juridik, përkatësisht tregtarit individ, inspektori shtetëror i tregut do t'i lëshojë urdhërpagesë të mandatit.

Për veprimet nga paragrafi 1 i këtij neni do të lëshohet urdhërpagesë e kundërvajtjes për personin përgjegjës në personin juridik, përkatësisht për personin përgjegjës në tregtarin individ, në lartësi prej 30% të gjobës që do t'i matet personit juridik, përkatësisht tregtarit individ.

Pas pranimit dhe nënshkrimit të urdhërpagesës së kundërvajtjes, kryerësi i kundërvajtjes detyrohet ta paguajë gjobën e shqiptuar në pajtim me paragrafët 1 dhe 3 të këtij neni, në afat prej tetë ditësh nga dita e pranimit të urdhërpagesës së kundërvajtjes në llogarinë e shënuar në urdhërpagesë.

Kryerësi i kundërvajtjes që do ta paguajë gjobën në afatin nga paragrafi 4 i këtij neni, do të paguajë gjysmën e gjobës së shqiptuar, për të cilën të drejtë këshillohet në këshillën juridike.

Në procedurën që do të përfundojë me pagesë të urdhërpagesës së kundërvajtjes nuk paguhen shpenzimet e procedurës.

Nëse kryerësi i kundërvajtjes nuk e paguan gjobën në afatin nga paragrafi 4 i këtij neni, inspektori shtetëror i tregut parashtron kërkesë për ngritje të procedurës së kundërvajtjes te Komisioni i Kundërvajtjes."

Neni 4

Neni 69 ndryshohet si vijon:

“Gjobë në shumë prej 1000 euro në kundërvlerë me denarë do t’i shqiptohet për kundërvajtje personit juridik, përkatësisht tregtarit individ nëse:

1) veprimtaria hoteliere bëhet pa u plotësuar kushtet minimale-teknike të caktuara, kushtet sanitaro-higjienike dhe shëndetësore, kushtet për mbrojtje gjatë punës, mbrojtje dhe avancimin e mjedisit jetësor, mbrojtje nga zjarri dhe kushtet për mbrojtjen nga zhurma (neni 6 paragrafët 1 dhe 2);

2) veprimtaria hoteliere bëhet në objekte afariste ose hapësira ku kryhet veprimtari tjetër pa u plotësuar kushtet e caktuara për shpalljen e veprimtarisë tjetër (neni 12 paragrafi 2);

3) përdor shenjën e restorantit-mejhanes nacionale pa fituar aktvendim në pajtim me nenin 19-v paragrafi 4 i këtij ligji;

4) fillon me punë në objektin hotelier pa kategorinë e fituar (neni 32 paragrafi 1);

5) nuk i përcakton normativat e ushqimit dhe pijeve të cilat i shërben dhe nuk u mundëson shfrytëzuesve këqyrje në ato normativa (neni 35 paragrafi 1 pika 8);

6) nuk i parashtron normat për ushqimin në verifikim te kryetari i komunës, kurse në Qytetin e Shkupit kryetarit të komunës të rajonit të Qytetit të Shkupit dhe shërbimet hoteliere nuk i ofron sasi dhe cilësi sipas normave të përcaktuara (neni 35 paragrafi 1 pika 9);

7) nuk i jep shërbimet hoteliere të përfshira në pakon turistike të aranzhmaneve në objektet hoteliere për akomodim nëpërmjet organizatorëve të udhëtimit ose ndërmjetësuesve, përkatësisht agjencive turistike (neni 35 paragrafi 1 pika 12);

8) shërben pije alkoolike prej orës 07,00 deri në orën 10,00 (neni 38 paragrafi 1);

9) t’i mirëmbajë hapësirat dhe pajisjen dhe të jep shërbime në objektin hotelier sipas kushteve minimale-teknike, si dhe për kushtet e kategorizimit për llojet e objekteve për të cilat është paraparë kategorizim i përcaktuar me aktvendim të Komisionit për kategorizim, ose sipas kriterëve të caktuara për shënimin e shenjave të veçanta me aktvendim të dhënësit të shenjës (neni 35 paragrafi 1 pika 1);

10) nuk mban libër të mysafirëve në objektin hotelier për akomodim (neni 35 paragrafi 1 pika 9);

11) nuk u përmbahet çmimeve të prezantuara (neni 35 paragrafi 1 pika 4);

12) nuk posedon dokumente për prodhimet e blera (fatura, llogari-fletëdërgesa dhe ngjashëm (neni 35 paragrafi 1 pika 5) dhe

13) për çdo shërbim të dhënë nuk lëshon llogari me specifikim të shërbimeve nga kasa fiskale (neni 35 paragrafi 1 pika 6).

Për veprimet nga paragrafi 1 i këtij neni, personit juridik, përkatësisht tregtarit individ Inspektorati Shtetëror i Tregut do t’i lëshojë urdhërpagesë.

Për veprimet nga paragrafi 1 i këtij neni lëshohet mandat-urdhërpagesë personit përgjegjës në personin juridik, përkatësisht personit përgjegjës në tregtarin individ, në lartësi prej 30% të gjobës që do t’i përlllogaritet personit juridik, përkatësisht tregtarit individ.

Kryerësi i kundërvajtjes ka për obligim në afat prej tetë ditëve nga dita e dorëzimit të mandat – urdhërpagesës të paguajë gjobën në shumë e caktuara nga paragrafët 1, 2 dhe 3 të këtij neni.

Nëse kryerësi i kundërvajtjes vullnetarisht nuk e paguan gjobën nga paragrafi 1, 2 dhe 3 të këtij neni, mandat-urdhërpagesa ka fuqinë e dokumentet ekzekutiv dhe inspektori shtetëror i tregut do ta dërgojë në organin kompetent për përmbarrim të detyrueshëm."

Neni 5

Neni 69-a ndryshohet si vijon:

“Gjobë në shumë prej 2000 euro në kundërvlerë me denarin do t’i shqiptohet për kundërvajtje personit juridik, përkatësisht tregtarit individ, nëse në vend të dukshëm në objektin hotelierik nuk e vendos obligimin për angazhimin e ciceronit turistik të vendit gjatë qëndrimit të organizuar të turistëve të huaj, në mënyrë të caktuar me Ligjin për veprimtari turistike (neni 35 paragrafi 1 pika 13).

Për veprimin nga paragrafi 1 i këtij neni, personit juridik, përkatësisht tregtarit individ Inspektorati Shtetëror i Tregut do t'i lëshojë urdhërpagesë për kundërvajtje.

Për veprimin nga paragrafi 1 i këtij neni, lëshohet urdhërpagesë për kundërvajtje personit përgjegjës në personin juridik, përkatësisht personit përgjegjës në tregtarin individ, në lartësi prej 30% të gjobës që do t'i përlllogaritet personit juridik, përkatësisht tregtarit individ.

Pas pranimit dhe nënshkrimit të urdhër pagesës për kundërvajtje, kryerësi i kundërvajtjes është i obliguar ta paguajë gjobën e shqiptuar në pajtim me paragrafët 1 dhe 3 të këtij neni, në afat prej tetë ditëve nga momenti i pranimit të urdhërpagesës për kundërvajtje në llogarinë e shënuar në urdhërpagesën.

Kryerësi i kundërvajtjes që do të paguajë gjobën në afatin nga paragrafi 4 i këtij neni, do të paguajë gjysmën e gjobës së shqiptuar, e drejtë për të cilën këshillohet në këshillën juridike.

Në procedurën që do të përfundohet me pagimin e urdhërpagesës për kundërvajtje nuk paguhen shpenzime të procedurës.

Nëse kryerësi i kundërvajtjes nuk e paguan gjobën në afatin nga paragrafi 4 i këtij neni, inspektori shtetëror i tregut parashtron kërkesë për nisje të procedurës për kundërvajtje në Komisionin për kundërvajtje.”

Neni 6

Neni 70 ndryshohet si vijon:

“Gjobë në shumë prej 4000 euro në kundërvlerë me denarin, do t'i shqiptohet për kundërvajtje personit juridik, përkatësisht tregtarit individ nëse:

- 1) veprimtari hotelierike bëhet pa regjistrim në regjistrin tregtar (neni 4 paragrafi 1);
- 2) veprimtari hoteliere bëhet në objekte hoteliere bar nate, kabare dhe disko-klub pa licencë (neni 35 paragrafi 1);
- 3) nuk i përmbahet orarit të caktuar të punës (neni 26 paragrafi 2);
- 4) e bart licencën (neni 22 paragrafi 2);
- 5) shërben alkool dhe pije alkoolike për persona nën moshën 18 vjeçare (neni 37 paragrafi 1) dhe
- 6) shet dhe shërben ushqim dhe pike alkoolike dhe lëshon muzikë pas orës 24,00 (neni 38 paragrafi 2).

Për veprimet nga paragrafi 1 i këtij neni, personit juridik, përkatësisht tregtarit individ Inspektorati Shtetëror i Tregut do t'i lëshojë urdhërpagesë për kundërvajtje.

Për veprimet nga paragrafi 1 i këtij neni, do të lëshohet urdhërpagesë për kundërvajtje për personin përgjegjës në personin juridik, përkatësisht personit përgjegjës në tregtarin individ, në lartësi prej 30% të gjobës që do t'i përlllogaritet personit juridik, përkatësisht tregtarit individ.

Pas pranimit dhe nënshkrimit të urdhërpagesës për kundërvajtje, kryerësi i kundërvajtjes është i obliguar ta paguajë gjobën e shqiptuar në pajtim me paragrafët 1 dhe 3 të këtij neni, në afat prej tetë ditëve nga momenti i pranimit të urdhërpagesës për kundërvajtje në llogarinë e shënuar në urdhërpagesën.

Kryerësi i kundërvajtjes që do të paguajë gjobën në afatin nga paragrafi 4 i këtij neni, do të paguajë gjysmën e gjobës së shqiptuar, e drejtë për të cilën këshillohet në këshillën juridike.

Në procedurën që do të përfundohet me pagimin e urdhërpagesës për kundërvajtje nuk paguhen shpenzime të procedurës.

Nëse kryerësi i kundërvajtjes nuk e paguan gjobën në afatin nga paragrafi 4 i këtij neni, inspektori shtetëror i tregut parashtron kërkesë për nisje të procedurës për kundërvajtje në Komisionin për kundërvajtje.”

Neni 7

Pas nenit 70-a shtohen tri nene të reja 70-b, 70-v dhe 70-g, si vijojnë:

“Neni 70-b

Inspektori shtetëror i tregut, përkatësisht inspektori i autorizuar i komunës dhe inspektori i autorizuar i Qytetit të Shkupit, janë të obliguar të mbajnë evidencën për urdhërpagesat mandatore dhe urdhërpagesat për kundërvajtje e lëshuara dhe për rezultatin e procedurave të nisura.

Në evidencën e paragrafit (1) të këtij neni grumbullohen, përpunohen dhe ruhen të dhënat në vijim: emri dhe mbiemri, përkatësisht emërtimi i kryerësit të kundërvajtjes, vendbanimi, përkatësisht vendqëndrimi, selia, lloji i kundërvajtjes, numri i urdhërpagesës mandatore/kundërvajtëse që i lëshohet dhe rezultati i procedurës.

Të dhënat personale nga paragrafi (2) i këtij neni ruhen pesë vite nga dita e futjes në evidencën.

Neni 70-v

Formën dhe përmbajtjen e urdhërpagesës mandatore dhe për kundërvajtje e përcakton ministri i cili udhëheq me organin e administratës shtetërore kompetent për kryerjen e punëve nga fusha e rregullimit të hapësirës.

Neni 70-g

Matja e lartësisë së gjobës për personin juridik, përkatësisht tregtarin individ bëhet në pajtim me Ligjin për kundërvajtje."

Neni 8

Akti nënligjor i përcaktuar me këtë ligj do të miratohet më së voni në afat prej 30 ditëve nga dita e hyrjes në fuqi të këtij ligji.

Neni 9

Ky ligj hyn në fuqi në ditën e botimit në "Gazetën Zyrtare të Republikës së Maqedonisë".